

袁州府知府陳廷枚重輯

封爵

古封建尚矣而秦廢之漢監秦失大封子弟功臣猶有三代建侯遺意自景武有諸侯王不得治民補吏之令於是諸封爵雖有君國子民之名不過食其封邑而已一檢制益密猜防益深其去古益遠矣然酬庸展親典至隆渥諸侯皇皇固亦一世之傑也自西漢迄有明其覓於年表及諸傳記者得若干人紀於篇

漢

袁州府志 卷十六

封爵

宜春侯劉成長沙定王子元光六年七月乙巳封元鼎五

年坐酎金免國除

漢書王子侯表

宜春侯衛伉元朔五年四月丁未以青功封元鼎元年坐

矯制免太初元年不害嗣侯五年闌入宮免為城旦

漢書

外戚恩澤侯表

宜春侯王訢家在齊本小吏佐史稍遷至右輔都尉武帝

數幸扶風郡訢共置辦拜為右扶風至孝昭時代桑宏

羊為御史大夫元鳳三年代田千秋為丞相封二千戶

立二年為人所上書言暴自殺不殊子代立為屬國都

尉史記建元以來侯者年表丞相侯子譚與大將軍光定策益封坐

法削戶五百定六百八戶元鳳六年薨康侯譚嗣四十
五年薨孝侯咸嗣十八年薨釐侯章嗣十八年薨侯昭
嗣二十六年更始元年為兵所殺國除

漢書外戚
恩澤侯表

安成侯張普

江西通志載太平寰宇記云九江太守賈萌與安成
侯張普共謀王莽普反告莽收萌殺之漢書不為普
立傳疑或以此然攷王莽傳末九江連率賈萌守郡
不降為漢兵所殺則普泄謀害萌又難徵信按安成
郡立於吳孫皓王莽時尚無安成之名張普所封蓋
汝南郡之安成縣非宜春也通志誤即光武族兄安

袁州府志 卷十六

封爵

二

成侯劉賜亦屬誤采

宜春侯劉匡中山王劉茂弟匡亦與漢兵俱起建武二年

封宜春侯永平中子浮嗣封為朝陽侯傳國至孫獲無

子封絕 漢書宋
室傳

安成侯劉賜光武族兄光武即位西之武關迎更始妻子

將之洛陽帝嘉賜忠建武二年封為慎侯十三年更增

戶邑定封為安成侯二十八年卒謚曰孝侯子閔嗣卒

子商嗣徙封白牛侯卒子昌嗣 漢書列傳
通志

宜春侯彭翼宜春人獻帝朝歷官建平長沙北海三郡

守封宜春侯 林
志

宜春侯施游宜春人仕為太常博士安南將軍歷九江太守封安成郡宜春人志林

晉

宜陽縣開國侯桓譙冲次子以父功封宜陽縣開國侯元

既用事改封寧都侯桓振作亂奔姚興後至蜀為劉道

規所殺晉書本傳

按晉書地理志吳既平改宜春為宜陽仍屬安成郡

宜春伯張闡丹陽人以佐翼勳賜爵丹陽縣侯蘓峻平賜

爵宜陽縣伯尋卒子混嗣晉書本傳

康樂伯陶回丹陽人蘓峻之役回收合義軍并力攻峻峻

袁州府志卷十六

封爵

三

又別破韓晃以功封康樂伯咸和二年卒謚曰威子汪

嗣晉書本傳

按晉書地理志康樂豫章郡通志謂即今高安縣屬

瑞州府舊志載康樂即萬載地萬載舊本瑞壤其為

康樂無疑矣

康樂縣公謝元安從子以平兗青司豫勳封康樂縣公卒

贈車騎將軍開府宜同三司謚曰獻武子瑛嗣早卒子

靈運嗣晉書本傳

按宋書武帝本紀永初元年降封縣侯

豫章公桓元温第六子以平元顯功封豫章公食安成郡

元興三年五月壬午斬於顏盤洲

晉書

按晉書義熙二年劉裕亦封豫章郡公然未食安成郡故不載

安成郡開國公何無忌義熙二年以興復之功封安成郡

開國公食邑三千戶六年三月壬申與盧循戰死贈侍

中司空謚忠肅子邕嗣

晉書

按齊書高帝本紀建元元年降萍鄉縣侯為伯以繼何無忌後意萍鄉即是當年食邑越宋而齊傳國不絕世系之賢可知矣惜乎其不可考也

通志

宜陽縣侯檀韶高平金鄉人初平桓元封巴邱縣侯以討

袁州府志

卷十六

封爵

如

盧循并論廣固功更封宜陽縣侯食邑七百戶永初二

年卒追贈安南將軍子緒嗣緒卒無子國除

宋書本傳

宜陽侯張邵

按宋書徐羨之傳後上初即位思佐命之功詔曰西中郎司馬南郡宜陽侯張邵可封臨沮伯觀此則邵在晉會封宜陽侯臨沮特宋初改封耳又本傳載邵卒謚簡伯子數嗣卒無子弟東襲封

通志

劉宋

宜陽王劉愷元嘉三十年六月義宣次子改封宜陽侯愷為宜陽王孝建元年義宣反問至愷報臨汝公蓋謝事

覺弁誦誅

安成王劉子孟孝武第十六子大明七年年五歲封淮南王食邑二千戶泰始二年改封安成王戶邑如先未拜

賜死

宋書

按南史安成王亦名子孟豫章書作子益誤

安成王劉準

按宋書明帝本紀泰始七年封第三皇子準為安成王食邑三千戶元徽五年七月即皇帝位是為順帝

通志

宜陽侯柳叔仁元景第六子以破滅質功封宜陽侯食邑

袁州府志

卷十六

封爵

五

八百戶廢帝永光元年八月殺元景并誅叔仁國除

通志

宜陽縣男童太一東莞人景和元年廢帝誅群公下詔封太一宜陽縣男食邑三百戶太宗即位與越等謀反伏

誅國除

宗越傳後

康樂縣侯劉秀之東莞莒人以起義功封康樂縣侯食邑

六百戶大明八年卒詔贈侍中司空并贈封邑為千戶謚為忠誠公

南齊

宜陽侯蕭子光

按豫章王傳永元中燕師圍城與兄子操卒於尚書

都座通志

安成王蕭曷太祖第六子建元元年封安成王食邑二千

戶永明九年夏薨贈撫軍將軍齊書

康樂侯李安民蘭陵人宋明帝時論績口功封邵武縣二

食邑四百戶太祖即位封康樂侯邑千戶永明四年

贈鎮東將軍謚曰肅侯子元履齊書

蕭梁

安成郡王蕭秀太祖第七子天監元年封安成郡王食邑

二千戶十七年二月薨贈侍中司空謚曰康子機嗣

通二年薨謚曰煬子操嗣齊書

袁州府志 卷十六

封爵

宜城縣侯王珍國沛國相人天監初封攝陽縣侯邑千戶

五年以無功請解改封宜陽縣侯邑如前十四年卒贈

車騎將軍謚曰威子度嗣梁書本傳

按豫章書作王國珍訛

康樂縣公侯瑱巴西充國人元帝時誅侯景封聊縣侯邑

千戶承聖二年敗齊郭元建增邑二千戶荊州陷晉安

王稱制改封康樂縣公邑五千戶天嘉二年卒贈侍中

驃騎大將軍謚曰壯肅陳書

陳

安成郡王陳頊文帝弟永定三年世祖嗣立改封安成郡

王光大二年增邑三千户十一月入篡是為宣帝本紀

康樂縣侯陳叔陵宣帝第二子天嘉三年隨後主還朝封

康樂縣侯邑五百户宣帝崩以逆為馬容所殺陳書

康樂縣侯林馮

按馮始封無攷惟陳寶應傳尚書符內載持節通直散騎常侍壯武將軍定州刺史康樂縣開國侯林馮

隋

安成王楊筠廬陵王子開皇十六年正月丁亥以皇孫筠

為安成王勇敗分徙嶺外勅所在殺之高帝本紀

安成侯元世雅

袁州府志 卷十六 封爵 七

按雅始封無考惟豆盧勣傳載漢王諒反與豆盧毓

同據城拒諒

安成公袁憲初至長安文帝嘉其雅操詔以為江南稱首

授開府儀同三司昌州刺史開皇十八年卒贈大將軍

安成郡公謚曰簡南史

安成縣侯譙德衡宜陽人仕為信威將軍本州刺史封安

成郡侯林志

唐

袁王李紉順宗子咸通元年五月薨十一宗諸子列傳

按元和郡縣志袁管縣三

宜春郡王李佃曹王珙第二子

豫章書

按元和郡縣志屬袁州

宜春郡公王雄誕曹州濟陰人武德初以前後功授歙州總管封宜春郡公輔公祐反誕不從為祐縊死太宗立

贈左驍衛大將軍謚曰忠子世果襲封

唐書本傳

南平王鍾傳萬載人以負販自業僖宗時討王仙芝有功

拜江西團練使俄拜嶺南節度使檢校太保中書令

穎川郡王尋徙封南平王黃巢亂後州縣廢貢舉惟傳

歲薦士行鄉飲禮率官屬資以裝齋故士不遠千里

之傳少時好射獵嘗醉遇虎與之鬪持虎不置會人斬

袁州府志卷十六

封爵

虎及貴歎曰士處世尚智謀效此何益今工作搏虎圖

以戒子孫

楊吳

宜春王楊瑒睿帝第三子乾貞二年春正月丁巳立為宜

春王

十國春秋

宜春王楊瑒睿帝從子南唐禪代降封郡公

十國春秋

南唐

宜春王李從謙中主第九子唐餘紀傳交泰四年後立嗣

立封為宜春王宋乾德降封鄂國公淳化五年出為安

遠軍行軍司馬不知所終

宋

袁王趙宗勝政和四年正月追封濮王子宗勝為袁王

太師謚僖孝

通志

信王夏協宜春人成恭皇后父以后貴追封信王

林志

按夏后傳后入宮久之父居益困卒於袁州僧舍

夏翁

宜春郡公夏執中信王子官至奉國軍節度使以后貴封

宜春侯

通志

按夏后傳寧宗即位加少保逾年卒

安成郡王劉光世保安軍人紹興十年卒贈太師乾道九

袁州府志

卷十六

封爵

九

年十一月追封為安成郡王

通志

真寧縣開國男張嗣古宜春人紹熙進士歷官中奉大夫

直龍圖閣封真寧縣開國男食邑三百戶致仕嗣古有

文名慶元以後凡郡邑紀述文翰多出其手宏碩典麗

蔚為時宗

前志

元

楚國公歐陽元字原功號圭齋其先分宜坊里人祖遷瀏

陽元魁湖廣鄉貢進士及第歷官翰林學士承旨封楚

國公贈大司徒文章道德師範當時著有圭齋文集

前志

廣安郡侯朶兒甘一名見敦世傑至元初以世襲袁州路

宣差

按元史太宗五年以阿同葛等充宣差勘事官則宣差元初已有其制前志作宜差誤

卒贈

上輕車都尉江西權茶都轉運使廣安郡侯謚迪敏子

孫兒只代其職在路者三十年

前志

明

宜春王朱磐姚獻王第三子宣德三年封堯謚安簡子莫

塔嗣宏治八年堯謚宣和子覲罇蚤薨追謚懷簡子宸

會嗣宏治十一年堯子拱條嗣正德十四年坐宸濠黨

就擒國除

袁國公歐祥一名普祥初事天完徐壽輝至正壬辰祥據

袁州庚子五月陳友諒殺壽輝僭號祥耻友諒所為不

袁州府志

卷十六

封爵

為用辛丑八月明太祖討友諒拔江州祥遣使以地降

壬寅正月太祖遣南昌祥率眾來見封袁國公俾仍守

舊鎮預征討尋率師取撫州等郡又從堯武昌甲辰三

月太祖遣使以書諭祥及江西守將鄧愈進攻贛州熊

天瑞未幾贛州平

熊志

宜春侯黃彬江夏人初歐祥取袁州彬為副將後祥附太

祖彬亦屬焉數從征討有功洪武三年封宜春侯歲祿

九百石二十三年坐湖惟庸黨死

府志

按豫章書作王彬訛今從明書改正